

分州山人四部稿卷之二十七

吳郡王世貞元美著

詩部

五言律一百二十首

泰安戲呈徐張二使君

不有清尊在何當慰折腰
倦來時自哂狂至欲誰驕
岱色家家飽嵐雲日日饒
豈無逃暑會乘興未須招
其二

高卧成吾懶閒居任物情
開門稀候吏隱几至啼鶯
仗酒爲公事裁詩問友生
城南富修竹何處可題名

夏日陪段侍御游靈巖寺作

群峰抱蘭若，孤塔界晴空。未沐菩提雨，時聞薝蔔風。
使星聊一駐，佛日暫相同。倘借支公馬，長陪鮑氏聰。
陪段侍御登靈巖絕頂

徑折金蕤盡，峰迴陟自開。蒼然萬山色，忽擁岱宗來。
碧澗傳僧梵，青天落酒杯。雄風別有賦，不羨楚蘭臺。
春日行園

使君聊一出，物色自爭誇。小雨飽桑葉，輕陰寒杏花。
官廚棗兒酒，鄉信穀前茶。不必尊鱸在，吾生固未涯。
殿卿慰子哭子有答

千崖送落日愁思滿齊山非爾一貽好何人爲破顏
月疑庭玉在星作掌珠還卷罷新詩去依然秋閉關
醉後

遷官非不好衰態暗相催草色將袍去霜華擬鬢來
罷衙無長牘呼酒有餘杯且了今朝事浮生次第栽
其二

誰道長安近山城信自稀隔秋除日到罷覽故人非
久不關吾事頻須理客衣明年官不解妻子也應歸
寄王丈道立登魁選

十載楊雄賦諸生伏氏書下帷多講授握筆自吹嘘

價奪連城外鋒全百戰餘還將短瞿問狗監爾何如
弟姪俱薦賦此寄之

磊落吾宗彥參差萬里翰東南自金錫王謝有琅玕
癡叔殊能健狂兄未許難將無杏園色人擬竹林看
答昉甫吏部八首

選極王裴重交仍嵇阮偏懷人倡白雪矯首向高天
水鑑千秋在風流一代專新詩大自好虛借野夫權
其二

屈指青雲士誰知張長公孤吟破秋色萬木避天風
吾黨殊能作乾坤不可窮毋論廣武歎豎子未英雄

其三

跌宕尚書省文章日更新星辰仍長物天地獨私人
霧豹看從晦雲龍矯莫馴南山有松柏把臂問沈淪

其四

牢落詩如故浮沉了不明洲無人自流水余志在名山
忽辱隋珠引能容趙璧還相期各努力名姓墮人間

其五

不獨宗吳輩人今未可忘重名多爾自失身在欲誰強
斗劍懸中嶽霜鵬擊大荒還聞有餘勇跋踈少年場

其六

赤日浴滄海青天橫岱宗漢家兩司馬吾世一攀龍
病起千年態徘徊絕代容齊稱君誤矣寥廓或雲從

其七

碣石諸侯館中原五子名高秋白馬辨下士蒼蠅聲
風雨歸何處萍蓬托此生使君仍驚起母乃太縱橫

其八

莫作呼開府衣冠一野人幾逢滄海雪三遠薊門春
失計貧彈鋏從心老斲輪齊風如稍稍拂袖大江濱
寄答張幼于下第

玉是連城價蘭爲大國香無言依正則有淚待陵陽

白雪元堪寡青雲祇自荒總應名就日留滯亦文香
贈別中表丈史鴻臚還吳

上客含雞貴中朝結駟難家貧郎自免身在酒相寬
草色營丘雨潮聲楊子寒毋論兩地隔只羨一枝安

其二

少住爲佳耳親朋盡歲孤宮厨饒脫粟鄉味有蒸壺
魯酒能嘗不齊謳可聽無自然留不得秋興滿尊罍
端午日長山署有懷

孤城逢此日還憶去年期只自饒三韭那能辨五絲
欲眠須引卷觸熱未呼庖醒醉元同意寥寥識者誰

其二

昨歲還今日追歡得似無兒偏愛蹋草女亦解傾蒲
儵忽浮生過淒涼萬事孤擲他長命縷不作繫雙珠
得舍弟試文喜其必第走筆寄之

文章家不乏今爾更縱橫海上鴻鴈色秋空鵬鶚鳴
此時漢京兆下榻吳諸生無限人間事區區一第名
寄顧聖少

乾坤亦有意縱汝向中原只益新詩好那扶游客尊
拂衣綠健者垂涕過夷門數盡人間事能知知己恩
病卧東禪已休未報殿卿相國馳騎相訪書此

爲別

擬作輕離別如君來去何諸天忽示態初地欲生魔
白社風流少青林月色多留將煩惱意迴問病維摩
再別殿卿時余方有家難

河流如易水日夜蕩秋旻不作登車去能無戀故人
霜仍飛六月虹未入三秦一掬中原淚難從握手論
難後答和于鱗舊貽四首

燕臺一掬淚歸灑大江涓天地藏身小風塵厭世遲
生寧如李志死敢傍要離寒雨松楸夕那堪讀汝詩
其二

屈指人間世名成豈偶然中原方軌在畏路拂衣偏
病色高千古窮愁自一天可無沮溺未難並汶陽田

其三

偶誦招魂語驚心往事多蹉跎吾計失憔悴此生過
隱跡羞叢桂詩章畏蓼莪湘江暮烟色愁絕意如何

其四

何限乾坤事歸來汝自酬振衣滄海月搖筆岱雲秋
一字堪金石孤城各斗牛報書知健在不必淚潛流
答于鱗立春日齋居對雪見懷

春雪覆江干江城春未闌淺雲千雉合迎日萬花殘

鴈色懸秋曙雞聲破曉寒如聞郢中調祇爲和人難
答于鱗慰哭于二首

謝庭三秀草此夕九秋霜埋玉甘憔悴保環竟寄茫
寸腸存屢折孤客關河強爲語西河淚情會未可忘
其二

擬作東門達那堪復泫然壯慚兒女態窮乏故人憐
歲月危看影乾坤怯問年此身直欲落飄泊向誰邊
雨泊崑城遣信要仲蔚

三載抱寒影茲辰聊出游春風落蹕雨泐泐獨行舟
暝色動城雉炊烟散林鴉呼童洗茶盃君解過儂否

余以幽憂久廢吟詠至八月十二日夜忽夢片
停雲館餞人北還得二句云中原垂鳥道久客
自鷄衣尋改賦古體八句覺後悉記之不知其
何說也

留君日何短別君日何長中原鳥道路游子鷄衣裳
悲風夜騷屑白雲寒蒼茫盡此一杯酒踟躕空斷腸
過莫公遠草堂有作

流水欲盡處見君白雲堂誰云四立壁解有雙脩篁
開卷動秋色談詩過夕陽出門一長嘯迥爾高天蒼
題沈道士竹洲館

道人滄洲館擁徑千琅玕竟日碧雲合有時明月殘
玄心澹相映秀色淨堪餐忽憶青蓮句秋聲萬古寒
徐子與解郡過吳門同淳父輩出視分韻得彈
字

白髮歸人問青山傲吏看簪從今日盍冠復幾時彈
海內詩仍在吾徒酒自寬浮家若雪裏來往莫辭難
過邵元化飲不醉戲作

田父過能數書生具頗艱大都鮭菜美遮莫酒杯慳
鼓腹松風外科頭樹影間近知醒亦好歸步不踟躕
切于見過分韻

小徑苔從破清尊雨乍過亦知高枕是其素故人何
懶但安吾有狂今較孰多近耽貧賤理慎莫厭松蘿

其二

踟躕酒不醉起見明星闌片語數相苦千秋敢獨安
青山蠟殺在白雪高齋寒傲豈吾曹意時名君自看
寄泉守周先生

爲得閩中耗愀然幾廢耕有家俱中虜無地不尋兵
此際干城在應專保障名寄言麟閣上早晚着書生
夏日飲煦上人房

野人無一事愛爾雲林眠緩帶松風集開樽江月懸

僧仍解中聖客亦喜逃禪欲問西來意難從醒者傳
其二

藜杖欲何適清溪扶興長煦公茅屋底時有松醪香
青菜久成甲紅蓮初離房謂予餐禪悅此味詎能忘
題林布政墓誌後為其孫司訓請

殘編未忍讀為憶泰陵時續是中興紀文如有道碑
已看埋玉樹還復長蘭枝大有棠陰在王孫知不知
長興諸友生送別道上即事

今朝雪川路且作武陵看蘿色分樵斧萍陰入釣竿
水憐衣帶近山憶畫圖寬劇有浮家興離觴莫厭殘

義士李國卿歸骨長山哭以送之

生死銜恩在間關病骨遙刀頭空自卜

生告歸矣
病弗果行

首為誰驕風色田橫館寒雲豫讓橋豈無心一寸魂

斷竟難招

劉金憲罷官

偶一聞朝事君今又乞身世情工射影吾道合垂綸
歲月終何事江湖漸有人素衣知尚在不染洛陽塵
戲贈導引者吳生

池湧青蓮坐天垂白玉棺暫留為說法欲去亦無難
爾今習熊鳥便欲喚鵷鷺三尺齊門缺將從紫府彈